

**Cofnodion wedi'u Cadarnhau o
Gyfarfod Cydbwyllgor Comisiynu GIG Cymru
a gynhaliwyd yn gyhoeddus
Dydd Mawrth 25 Tachwedd 2025
Microsoft Teams / Willowford**

Aelodau:

Ian Green (Cadeirydd)	(IG)	Cadeirydd Annibynnol, Cydbwyllgor Comisiynu GIG Cymru
Susan Elsmore	(SE)	Aelod Lleyg
Abigail Harris	(AH)	Prif Swyddog Gweithredol, Bwrdd Iechyd Prifysgol Bae Abertawe
Shameem Nawaz	(SN)	Aelod Lleyg
Nicola Prygodzicz	(NP)	Prif Swyddog Gweithredol, Bwrdd Iechyd Prifysgol Aneurin Bevan
Suzanne Rankin	(SR)	Prif Swyddog Gweithredol, Bwrdd Iechyd Prifysgol Caerdydd a'r Fro
Mandy Rayani	(MR)	Aelod Lleyg
Nia Roberts	(NR)	Aelod Lleyg
Carol Shillabeer	(CS)	Prif Swyddog Gweithredol, Bwrdd Iechyd Prifysgol Betsi Cadwaladr
Hayley Thomas	(HT)	Prif Swyddog Gweithredol, Bwrdd Iechyd Addysgu Powys
Paul Worthington	(PW)	Aelod Lleyg

Dirprwyon:

Lee Davies	(LD)	Cyfarwyddwr Gweithredol Strategaeth a Chynllunio, Bwrdd Iechyd Prifysgol Hywel Dda
Claire Thompson	(CT)	Cyfarwyddwr Gweithredol Strategaeth a Thrawsnewid, Bwrdd Iechyd Prifysgol Cwm Taf Morgannwg

Aelod Cyswllt:

Huw George	(HG)	Prif Gomisiynydd Dros Dro
------------	------	---------------------------

Hefyd yn Bresennol:

Carole Bell	(CB)	Cyfarwyddwr Nyrsio ac Ansawdd
Joanna Dainton	(JD)	Cyfarwyddwr Cynorthwyol Comisiynu ar gyfer Iechyd Meddwl, Anableddau Dysgu a Grwpiau sy'n Agored i Niwed
Iolo Doull	(ID)	Cyfarwyddwr Meddygol
Aaron Fowler	(AF)	Ysgrifennydd y Pwyllgor a Dirprwy Gyfarwyddwr Gwasanaethau Corfforaethol
Georgina Galletly	(GG)	Cyfarwyddwr Cynllunio a Strategaeth Gorfforaethol
Stacey Taylor	(ST)	Dirprwy Brif Gomisiynydd a Chyfarwyddwr Cyllid a Gwerth
Melanie Wilkey	(MW)	Cyfarwyddwr Comisiynu ar gyfer Gwasanaethau Arbenigol
Ross Whitehead	(RW)	Cyfarwyddwr Comisiynu ar gyfer Gwasanaethau Ambiwlans ac 111

Gwesteion

Alex Crawford	(AC)	Dirprwy Gyfarwyddwr Cynllunio Corfforaethol a Swyddfa Rheoli Prosiectau (PMO)
Matthew Edwards	(ME)	Ysgrifennydd Pwyllgor Cynorthwyol Dros Dro
Claire Harding	(CH)	Cyfarwyddwr Cynorthwyol Cynllunio

Arsylwyr:

Angela Mutlow	(AM)	Cyfarwyddwr Gweithrediadau, Llais
---------------	------	-----------------------------------

Ymddiheuriadau:

Adrian Clarke	(AC)	Cyfarwyddwr Comisiynu ar gyfer Iechyd Meddwl, Anabledau Dysgu a Grwpiau Agored i Niwed, CBCGC
Paul Mears	(PM)	Prif Swyddog Gweithredol, Bwrdd Iechyd Prifysgol Cwm Taf Morgannwg
Philip Kloer	(PK)	Prif Swyddog Gweithredol, Bwrdd Iechyd Prifysgol Hywel Dda

Dechreuodd y cyfarfod am 10:05am yn dilyn cyfarfod pwyllgor mewnol blaenorol a gynhaliwyd yn breifat.

Cyf Cofnod	y	Eitem ar yr Agenda
1. Materion Rhagarweiniol		
JCC25/072		<p>1.1 Croeso a Chyflwyniadau Croesawodd y Cadeirydd yr Aelodau a'r mynychwyr i gyfarfod y Cydbwyllgor Comisiynu (JC) a gynhaliwyd yn gyhoeddus a gwnaed cyflwyniadau.</p> <p>Nid oedd unrhyw wrthwynebiadau i recordio'r cyfarfod a fyddai ar gael ar wefan Cyd-bwyllgor Comisiynu GIG Cymru (CBCGC) yn dilyn y cyfarfod. Nodwyd bod cworwm.</p>
JCC25/073		<p>1.2 Ymddiheuriadau am Absenoldeb Nodwyd ymddiheuriadau am absenoldeb fel yr uchod.</p>
JCC25/074		<p>1.3 Datganiadau o Fuddiant Datganodd Abigail Harris ei buddiant fel Prif Swyddog Gweithredol Bwrdd Iechyd Prifysgol Bae Abertawe (BIPBA), y sefydliad sy'n cynnal y Gwasanaeth Casglu a Throsglwyddo Meddygol Brys (EMRTS) [Eitem 5.3 ar yr Agenda].</p>
JCC25/075		<p>1.4 Cofnodion y Cyfarfod a gynhaliwyd ar 16 Medi 2025 a Materion yn Codi Derbyniwyd a chymradwywyd cofnodion cyfarfod y JC a gynhaliwyd ar 16 Medi 2025 fel cofnod gwir a chywir o'r cyfarfod. Nid oedd unrhyw faterion yn codi.</p>
JCC25/076		<p>1.5 Cofnod Gweithredu Nododd yr aelodau y cynnydd a wnaed ar y camau gweithredu a amlinellwyd yn y cofnod gweithredu a chytunwyd bod y camau gweithredu a nodir fel rhai 'wedi'u cau' wedi'u cwblhau.</p>
2. Cyflwyno'r Cefndir		
JCC25/077		<p>2.1 Adroddiad y Cadeirydd Derbyniwyd Adroddiad y Cadeirydd, a nododd yr Aelodau'r cyfarfodydd allweddol a fynychwyd yn y cyfnod diwethaf, y trafodaethau yn Sesiwn Strategaeth y Cydbwyllgor ar 21 Hydref 2025 a'r diweddariadau pellach a ddarparwyd, gan gynnwys recriwtio Prif Gomisiynydd parhaol CBCGC.</p> <p>Penderfynodd y Cyd-bwyllgor Comisiynu:</p> <ul style="list-style-type: none"> • Nodi'r adroddiad.
JCC25/078		<p>2.2 Adroddiad y Prif Gomisiynydd Derbyniwyd Adroddiad y Prif Gomisiynydd. Nododd yr aelodau:</p> <ul style="list-style-type: none"> • Gwblhau cam cyntaf y recriwtio blaenoriaethol gyda phenodiadau allweddol wedi'u gwneud i rolau arweinyddiaeth. • Datblygiad pellach Fforwm Arweinyddiaeth CBCGC a'i rôl ym mhroses gwneud penderfyniadau'r sefydliad o hyn ymlaen. • Bod ST wedi'i ailsefydlu'n Ddirprwy Brif Gomisiynydd a bod GG wedi'i recriwtio'n barhaol yn Gyfarwyddwr Strategaeth a Chynllunio Corfforaethol.

Cyf y Cofnod	Eitem ar yr Agenda
	<ul style="list-style-type: none"> Roedd swydd barhaol y Cyfarwyddwr Comisiynu ar gyfer Iechyd Meddwl, Anableddau Dysgu a Grwpiau Agored i Niwed bellach ar agor i recriwtio iddi. Y diweddariadau a ddarparwyd mewn perthynas â nifer o raglenni cenedlaethol. <p>Trafododd yr aelodau:</p> <ul style="list-style-type: none"> Drefniadau'n cael eu gwneud o fewn CBCGC i reoli cyfleoedd comisiynu cenedlaethol gan gynnwys ailddyrannu gwaith rhwng cyfarwyddwyr comisiynu i sicrhau bod cyfleoedd wedi'u hadnoddu'n briodol. <p>Penderfynodd y Cyd-bwyllgor Comisiynu:</p> <ul style="list-style-type: none"> Nodi'r adroddiad.
JCC25/079	<p>2.3 Adroddiadau Cryno gan y Cyd-is-bwyllgorau Cyflwynwyd adroddiadau cryno gan y Cyd-is-bwyllgorau canlynol:</p> <p>2.3.1 Is-bwyllgor Ansawdd, Diogelwch a Chanlyniadau (QSO) 2.3.2 Is-bwyllgor Cynllunio, Perfformiad a Chyllid (PPF) 2.3.3 Pwyllgor Risg a Sicrwydd Archwilio (ARAC)</p> <p>Penderfynodd y Cyd-bwyllgor Comisiynu:</p> <ul style="list-style-type: none"> Nodi cynnwys yr adroddiadau a derbyn sicrwydd bod y materion a adroddwyd yn destun adolygiad a chraffu priodol.
JCC25/080	<p>2.4 Cofrestr Risg Cydbwyllgor GIG Cymru – Hydref 2025 Cyflwynodd yr adroddiad Gofrestr Risg Weithredol ["ORR"] CBCGC (risgiau sy'n sgorio 15 ac uwch) ar 31 Hydref 2025. Nododd yr aelodau:</p> <ul style="list-style-type: none"> Ar 31 Hydref 2025, roedd 21 risg gyda sgôr o 15 ac uwch, gyda 19 risg ar draws y portffolio comisiynu a dwy risg gorfforaethol/sefydliadol agored. Roedd dwy risg newydd wedi'u hychwanegu, nid oedd dim risg wedi'i huwchgyfeirio, roedd un risg wedi'i llacio, ac nid oedd yr un risg wedi'i chau ers yr adroddiad diwethaf. Byddai'r Gofrestr Risg yn destun adroddiad bob deufis o hyn ymlaen a byddai risgiau'n cael eu derbyn yn Is-bwyllgorau'r Cydbwyllgor i'w sicrhau ymhellach a'u nodi yn y Cydbwyllgor. Cafodd y dull hwn ei gymeradwyo gan yr Aelodau. Gwaith i'w wneud gyda thimau comisiynu ar eu risgiau yn ystod misoedd adrodd 'segur'. Yn dilyn mireinio'r ORR ymhellach, a chytuno ar Strategaeth CBCGC wedi'i diweddarau, y byddai gwaith yn cael ei wneud i ddatblygu derbynioldeb risg CBCGC a Fframwaith Sicrwydd y Cydbwyllgor a fyddai'n ystyried risgiau strategol CBCGC. <p>Trafododd yr aelodau:</p> <ul style="list-style-type: none"> Risg 084 Adennill Costau Ariannol 2025-26 a chytunwyd y byddai ystyriaeth yn cael ei rhoi i sgorio'r risg hon pe cytunwyd na fyddai CBCGC yn gallu cytuno ar sefyllfa ariannol gytbwys ar ddiwedd y flwyddyn. Risg 069 Gwasanaeth Radioleg Paediatrig, a chydabuwyd bod y risg wedi'i nodi yn dilyn adolygiad gwasanaeth annibynnol. Gwaith parhaus i ailddiffinio risgiau a grybwyllwyd fel eu bod yn cael eu disgrifio o safbwynt comisiynydd, yn hytrach na darparwr. Nodwyd hefyd, lle bo modd, y byddai risgiau hefyd yn cynnwys cyfeiriad at risgiau darparwyr er mwyn sicrhau bod CBCGC yn parhau i oruchwylio tirwedd risg ehangach GIG Cymru. Mae cynlluniau ar waith i dîm Llywodraethu Corfforaethol CBCGC weithio gyda thimau i sicrhau bod camau gweithredu a rheolaethau a grybwyllir yn

Cyf Cofnod	y Eitem ar yr Agenda
	<p>effeithiol, yn cael eu monitro a'u diweddarau'n rheolaidd. Byddai'r gwaith hwn yn cael ei gefnogi drwy ailddiffinio risgiau, gyda chamau gweithredu i gydredeg â risgiau sy'n canolbwyntio ar gomisiynwyr a oedd o fewn gallu CBCGC i'w rheoli neu eu lliniaru.</p> <ul style="list-style-type: none"> • Yr angen i barhau i roi'r wybodaeth ddiweddaraf i'r grŵp cymheiriaid llywodraethu corfforaethol. <p>Penderfynodd y Cyd-bwyllgor Comisiynu:</p> <ul style="list-style-type: none"> • Nodi'r adroddiad • Cymeradwyo Cofrestr Risg CBCGC o 31 Hydref 2025 ymlaen • Nodi datblygiad parhaus ORR y Cydbwyllgor a chynlluniau i ddatblygu fframwaith Derbynioldeb Risg a Fframwaith Sicrwydd CBCGC.
JCC25/081	<p>2.5 Cyfarwyddwr Comisiynu ar gyfer Gwasanaethau Ambiwllans ac Adroddiad 111</p> <p>Derbyniwyd yr adroddiad gan Gyfarwyddwr Comisiynu ar gyfer Gwasanaethau Ambiwllans ac 111. Nododd yr aelodau'r canlynol:</p> <ul style="list-style-type: none"> • Fframwaith Perfformiad Ambiwllansys Brys Newydd: <ul style="list-style-type: none"> ◦ Ym mis Hydref 2025, cyflwynwyd dangosyddion clinigol newydd i adrodd ar ganlyniadau newid sgôr poen cyfartalog, newid dirlawnder ocsigen cyfartalog a'r tri chategoreiddio galwadau uchaf. ◦ Roedd Cam 2 y Model Ymateb Ambiwllans newydd yng Nghymru i fod i fynd yn fyw ar 2 Rhagfyr 2025. Cynlluniwyd y model i gyflwyno dull â mwy o ffocws clinigol o ymdrin â gofal brys drwy fireinio categorïau galwadau a blaenoriaethu canlyniadau cleifion dros amseroedd ymateb. • Er bod y sefyllfa trosglwyddo gofal rhwng sifftiau wedi gwella, roeddent yn dal yn uwch na lefelau'r gwasanaeth a gomisiynwyd ac roedd yn debygol y byddai'r cyfnod gaeaf nesaf yn heriol. • Ymchwiliad Arena Manceinion (YAM): <ul style="list-style-type: none"> ◦ Roedd y Gwasanaethau Ambiwllans a Tîm Comisiynu 111 wedi gweithredu proses adolygu amlochrog, gan ymgorffori mewnbwn rhanddeiliaid, safbwyntiau cyfreithiol ac arbenigol ac asesiad strwythuredig o argymhellion yr adroddiad. ◦ Roedd y tîm wrthi'n comisiynu adolygiad allanol annibynnol a fyddai'n canolbwyntio'n benodol ar ystyried a oedd yr argymhellion a wnaed gan Ymddiriedolaeth GIG Prifysgol Gwasanaethau Ambiwllans Cymru yn gymesur ac yn briodol yng nghyd-destun YAM. Byddai hyn yn cael ei gwblhau ym mis Ionawr 2026 a byddai'n rhan o'r argymhellion i'r Cydbwyllgor yn Chwarter 4 2025-26. • Gofal Cywir Person Cywir (RCRP) <ul style="list-style-type: none"> ◦ Roedd pryderon wedi'u codi gan wasanaethau'r heddlu ynghylch amseroedd ymateb y gwasanaeth ambiwlans, er y teimlwyd bod gan y gostyngiad sylweddol mewn oedi wrth drosglwyddo gofal rhwng sifftiau a'r model ymateb ambiwlans newydd y potensial i wella'r ymateb a ddarperir i gleifion a gedwir o dan Adran 136 o Ddeddf Iechyd Meddwl 1983. ◦ Roedd gwaith pellach yn cael ei wneud gyda rhanddeiliaid i ddeall y gweithgaredd hwn ac roedd cydweithio wedi cynyddu gydag Ymddiriedolaeth Gwasanaethau Ambiwllans Cymru, Perfformiad a Gwella'r GIG a'r Heddlu i fwrw ymlaen â gweithredu Camau 3 a 4 RCRP a fyddai'n cefnogi ymatebion gwell i gleifion iechyd meddwl mewn argyfwng a'r rhai sydd wedi'u cadw o dan y Ddeddf Iechyd Meddwl. <p>Trafododd yr aelodau:</p> <ul style="list-style-type: none"> • Yr ymyrraeth glinigol gynharach fel rhan o Fframwaith Perfformiad Ambiwllansys i gefnogi canlyniadau gwell i gleifion.

Cyf Cofnod	y Eitem ar yr Agenda
	<ul style="list-style-type: none"> • Effaith lleihau oedi wrth drosglwyddo gofal rhwng sifftiau ar argaeledd ambiwlansys a'r angen i hyn barhau i gael ei fonitro. Pwysleisiodd yr aelodau y dylai gwell amseroedd trosglwyddo gofal rhwng sifftiau arwain at well amseroedd ymateb yn y gymuned. • Ymdrechion parhaus i ddatblygu dangosfwrdd lefel uchel, a oedd yn darparu un fersiwn o'r gwirionedd ar gyfer metrigau perfformiad allweddol, gan gynnwys yr effaith ar gleifion. • Cyflwyno cyfarfodydd ffurfiol rhwng Comisiynwyr ac Ymddiriedolaeth Gwasanaethau Ambiwlsans Cymru i drafod meysydd allweddol ar gyfer gwella perfformiad. Byddai cyfarfodydd o'r fath yn adlewyrchu cyfarfodydd perfformiad tebyg sydd ar waith ar gyfer gwasanaethau eraill a gomisiynir. • Yr angen am ddiweddariadau mewn perthynas â'r gwaith ar ddata meincnodi. • Gwaith parhaus i gyflawni adolygiad cynhyrchiant strategol o wasanaethau a ddarperir gan Ymddiriedolaeth Gwasanaethau Ambiwlsans Cymru. Bydd yr adolygiad yn mabwysiadu dull sy'n cael ei arwain gan ganlyniadau, yn canolbwyntio ar systemau, yn gydweithredol ac yn seiliedig ar dystiolaeth, gan gefnogi gwneud penderfyniadau comisiynu hirdymor ar gyfer y Pwyllgor. <p>Penderfynodd y Cyd-bwyllgor Comisiynu:</p> <ul style="list-style-type: none"> • Nodi'r adroddiad a chymryd sicrwydd o'r diweddariadau a gafwyd mewn perthynas â chyflenwi a monitro parhaus gwasanaethau Ambiwlsans ac 111.
JCC25/082	<p>2.6 Adroddiad y Cyfarwyddwr Comisiynu ar gyfer Gwasanaethau Arbenigol</p> <p>Derbyniwyd yr adroddiad gan y Cyfarwyddwr Comisiynu ar gyfer Gwasanaethau Arbenigol. Nododd yr aelodau'r canlynol:</p> <ul style="list-style-type: none"> • Roedd CBCGC wedi cyfarfod â chlinigwyr a rhanddeiliaid ar ddatblygu manyleb gwasanaeth ar gyfer Gwasanaeth Niwrolawfeddygol Swyddogaethol ar gyfer Anhwylderau Symud (gan gynnwys Ysgogi yn Nyfnder yr Ymennydd) ar 24 Hydref 2025. Roedd y cyflwyniad yn cynnwys canlyniadau o'r llwybr dros dro, a ddatblygwyd gan ddefnyddio Model Niwrolawdriniaeth Swyddogaethol, ynghyd ag ystyriaethau allweddol ar gyfer dylunio'r model cyflawni gorau posibl ar gyfer De Cymru. Bydd manyleb y gwasanaeth yn cael ei hanfon allan yn destun ymgynghoriad rhanddeiliaid yn fuan a bydd yn cael ei defnyddio yn y broses dynodi darparwyr, y bwriedir iddi ddod i ben erbyn diwedd mis Mawrth 2026. • Roedd risg allweddol o amgylch achredu Cydbwyllgor Achredu Cymdeithas BMT Ewrop (JACIE) ar gyfer Trawsblaniadau Mêr Esgyrn (BMT)/Therapi Celloedd-T gyda Derbynyddion Antigen Cimerig (CAR-T). Cynhaliwyd arolygiad JACIE o'r gwasanaeth, a byddai canlyniadau hwnnw, a'r goblygiadau i CBCGC, yn cael eu rhannu gyda'r Cydbwyllgor ar ôl eu cael. • Uwchgyfeiriwyd y Gwasanaeth Clyw Mewnblaniadau Arbenigol oherwydd amseroedd aros cynyddol yn gysylltiedig â phroblemau staffio a phroblemau eraill a grybwyllwyd. • Roedd cynnydd yn y galw yn cael ei grybwyll mewn perthynas ag Anaemia Etifeddol. • Risg bosibl yn ymwneud â darparu therapi genynnau a oedd wedi'i orfodi gan Lywodraeth Cymru, heb unrhyw fecanwaith ariannu i gyflawni hyn yng Nghymru. <p>Trafododd yr aelodau:</p> <ul style="list-style-type: none"> • Y nifer sylweddol o risgiau o fewn y gyfarwyddiaeth comisiynu gwasanaethau arbenigol. Cydnabuwyd y byddai risgiau o'r fath yn parhau i gael eu rheoli a'u

Cyf Cofnod	y Eitem ar yr Agenda
	<p>lliniaru ond, o ystyried problemau ariannol a seilwaith ledled y GIG, cytunwyd y byddai angen goddef rhai risgiau nes bod atebion amgen ar gael.</p> <p>Penderfynodd y Cyd-bwyllgor Comisiynu:</p> <ul style="list-style-type: none"> • Nodi'r diweddariadau comisiynu arbenigol a rannwyd • Nodi'r crynodeb o'r risgiau arbenigol a ddisgrifiwyd, gan gydnabod bod y risgiau hynny'n parhau i gael eu rheoli gyda gwasanaethau wedi'u huwchgwyfeirio wedi'u crybwyll i Is-bwyllgor QSO CBC GCI graffu'n fanwl arnynt.
JCC25/083	<p>2.6 Adroddiad y Cyfarwyddwr Comisiynu ar gyfer Iechyd Meddwl, Anableddau Dysgu a Grwpiau Agored i Niwed</p> <p>Cafwyd yr adroddiad gan y Cyfarwyddwr Comisiynu ar gyfer Iechyd Meddwl, Anableddau Dysgu a Grwpiau Agored i Niwed. Nododd yr aelodau:</p> <ul style="list-style-type: none"> • Y gwaith sy'n cael ei wneud gan BIPBA a thîm CBCGC yng Nghlinig Caswell i sicrhau bod y cyfleuster yn gallu darparu gwasanaethau sy'n cynnig ansawdd da a diogelwch ochr yn ochr â gwerth am arian. Yn dilyn uwchgwyfeirio'r gwasanaeth yng Nghlinig Caswell, bod derbyniadau newydd wedi cael eu gohirio. Roedd cynllun gweithredu wedi'i ddatblygu i fynd i'r afael â materion a nodwyd, gyda chyfarfodydd wythnosol rhwng CBCGC a Chlinig Caswell i sicrhau bod camau gweithredu'n cael eu datblygu. • Rhoddodd y diweddariad eglurder ar y gwaith sy'n cael ei wneud gan CBCGC gyda chydweithwyr Bwrdd Iechyd Prifysgol Cwm Taf Morgannwg ac Iechyd Cyhoeddus Cymru (PHW) mewn perthynas â throsglwyddo trefniadau cynnal ar gyfer Straen Trawmatig Cymru i Iechyd Cyhoeddus Cymru. • Bod Ysbyty Sant Andreas, Northampton yn parhau i fod wedi'i atal o'r Cytundeb Fframwaith Cenedlaethol ac yn cael ei adolygu'n aml yn rhan o broses fonitro uwch y Fframwaith. Yn ogystal â hyn, bod CBCGC, NHS England, y Comisiwn Ansawdd Gofal, Byrddau Gofal Integredig Lleol, y gwasanaeth diogelu lleol, yr Heddlu a'r Cyngor Nyrsio a Bydwreigiaeth yn parhau i ymgynnull ar gyfer cyfarfodydd wythnosol a misol ynghylch y cyfleuster. <p>Trafododd yr aelodau:</p> <ul style="list-style-type: none"> • Amserlenni ar gyfer ailagor Clinig Caswell i dderbyniadau newydd. Nodwyd bod cyfarfod wedi'i drefnu ar gyfer 15 Rhagfyr 2025 i CBCGC ystyried y sefyllfa bresennol ar dderbyniadau. • Bod angen cefnogaeth Prif Weithredwr y Bwrdd Iechyd i sicrhau bod presenoldeb priodol yn cael ei sicrhau yng nghyfarfodydd y Grŵp Comisiynu Cydweithredol Iechyd Meddwl i gefnogi cynlluniau a phenderfyniadau yn y dyfodol. <p>Penderfynodd y Cyd-bwyllgor Comisiynu:</p> <ul style="list-style-type: none"> • Nodi'r diweddariadau a rannwyd gyda'r Cydbwyllgor.
	3. Briffio'r Pwyllgor
JCC25/084	Ni rannwyd unrhyw eitemau i'w hadolygu.
	4. Cyflawni Cynllun y CBC
JCC25/085	<p>4.1 Rhagolwg Ariannol ac Adroddiad Perfformiad Ariannol CBCGC - Mis 7 2025-2026</p> <p>Cafwyd Adroddiad Perfformiad Ariannol Mis 7. Nododd yr aelodau'r sefyllfa a adroddwyd ar gyfer Mis 7 sef £4.4m o orwariant hyd yma gyda rhagolwg o £7.7 miliwn o orwariant ar ddiwedd y flwyddyn (roedd hyn yn gysylltiedig yn bennaf â methiant i gyflawni arbedion). Nododd yr aelodau fod y meysydd allweddol lle</p>

Cyf Cofnod	y Eitem ar yr Agenda
	<p>roedd gorwariant yn cynnwys gwasanaethau cardioleg a chynhyrchion cyffuriau ar gyfer gofal cleifion unigol.</p> <p>Trafododd yr aelodau:</p> <ul style="list-style-type: none"> • Y sefyllfa ariannol bresennol a'r sgysiau sy'n cael eu cynnal i nodi cyfleoedd arbed ychwanegol gyda Thîm Cyllid CBCGC sydd â'r dasg o ystyried pob cyfle arbed posibl. • Y byddai sesiwn strategaeth y Cyd-bwyllgor a gynhelir ar 16 Rhagfyr 2025 yn cynnwys cyfarfod cyhoeddus eithriadol o'r Cyd-bwyllgor i ystyried cyfleoedd manwl i arbed arian ar gyfer penderfyniad. <p>Penderfynodd y Cyd-bwyllgor Comisiynu:</p> <ul style="list-style-type: none"> • Nodi'r sefyllfa ariannol diwedd mis.
JCC25/086	<p>4.2 Adroddiad Perfformiad CBCGC</p> <p>Cafwyd Adroddiad Perfformiad CBCGC. Nododd yr aelodau:</p> <ul style="list-style-type: none"> • Roedd yr adroddiad yn cael ei ddatblygu'n ailadroddus yn unol â'r adolygiad cyflym sy'n cael ei gynnal ar hyn o bryd. • Byddai diweddariadau i'r adroddiad a diweddariad perfformiad Mis 7 yn cael eu hystyried yng nghyfarfod yr Is-bwyllgor Cynllunio, Perfformiad a Chyllid ym mis Rhagfyr. <p>Trafododd yr aelodau'r angen i fersiynau yn y dyfodol o'r adroddiad gynnwys metrigau perfformiad allweddol ambiwlansys (fel y trafodwyd o dan Eitem 2.5 ar yr Agenda).</p> <p>Penderfynodd y Cyd-bwyllgor Comisiynu:</p> <ul style="list-style-type: none"> • Nodi'r adroddiad.
JCC25/087	<p>4.3 Cynllun Tymor Canolig Integredig CBCGC 2026-29 – Diweddariad ar Ymgysylltu a Phroses ar gyfer Datblygu</p> <p>Derbyniodd yr aelodau gyflwyniad ar y dull o ddatblygu Cynllun Tymor Canolig Integredig [IMTP] CBCGC (2026-29). Nododd yr aelodau:</p> <ul style="list-style-type: none"> • Roedd diweddariadau wedi'u rhannu'n flaenorol yn Niwrnod Strategaeth y Cydbwyllgor ym mis Hydref 2025 a chyfarfodydd y Grŵp Arweinyddiaeth Comisiynu Cydweithredol (CCLG) ym mis Tachwedd, yn ogystal ag yn ystod sgysiau ag arweinwyr y Bwrdd Iechyd. • Y Cynllun Comisiynu ac Ymgysylltu arfaethedig a oedd yn ymgorffori cyfarfodydd â Chyfarwyddwyr Cynllunio'r Bwrdd Iechyd i sicrhau bod Cynllun Tymor Canolig Integredig CBCGC yn cydreddeg â chynlluniau'r Bwrdd Iechyd. • Canlyniadau asesiadau PESTLE a'r bwriad i ddatblygu blaenoriaethau comisiynu sy'n cael eu sbarduno'n glinigol. • Rhannwyd gwybodaeth am ddarparwyr yng nghyfarfod y CCLG ar 18 Tachwedd 2025, gan gynnwys materion a risgiau allweddol yn ymwneud â galw a chapasiti, heriau i'r gweithlu, lefelau ariannu a niwed i gleifion. • Disgwylid y byddai'r Cydbwyllgor yn cael drafft o Gynllun Tymor Canolig Integredig CBCGC ym mis Ionawr 2026 cyn ei gyflwyno ddiwedd mis Mawrth 2026. • Byddai Gweithdy Cynllun Tymor Canolig Integredig CBCGC ym mis Rhagfyr yn cael ei aildrefnu a'i gynnal yn rhan o sesiwn strategaeth y Cydbwyllgor ar 16 Rhagfyr 2025. <p>Trafododd yr aelodau:</p> <ul style="list-style-type: none"> • Y pryder sylweddol ynghylch y dirwedd ariannol yn y dyfodol. • Yr angen i fod yn glir ynglŷn â'r sefyllfa reolaidd. • Y dewisiadau comisiynu anodd y byddai angen eu gwneud, yn ôl pob tebyg.

Cyf Cofnod	y Eitem ar yr Agenda
	<ul style="list-style-type: none"> A oedd Cynllun Tymor Canolig Integredig cytbwys gan CBCGC yn bosibl neu a oedd angen datblygu mesur dros dro. Yr angen i gynnwys Cyfarwyddwyr Cyllid mewn trafodaethau Cynllun Tymor Canolig Integredig <p>Penderfynodd y Cyd-bwyllgor Comisiynu:</p> <ul style="list-style-type: none"> Nodi'r diweddariad a rannwyd a chefnogi trefnu gweithdy Cynllun Tymor Canolig Integredig ar Ddiwrnod Strategaeth CBCGC ym mis Rhagfyr.
JCC25/088	<p>4.4 Meddyginiaethau Cost Uchel</p> <p>Cafwyd y papur Meddyginiaethau Cost Uchel. Nododd yr aelodau'r canlynol:</p> <ul style="list-style-type: none"> Roedd yn debygol y byddai'r pris a delir am feddyginiaethau newydd ac arwyddion newydd ar gyfer meddyginiaethau sefydledig yn y DU yn cynyddu'n sylweddol. Byddai'r gymhareb cost-ffeithiolrwydd gynyddrannol a ddefnyddir ar hyn o bryd gan y Sefydliad Cenedlaethol dros Ragoriaeth Glinigol yn cynyddu ac o ganlyniad, byddai prisiau cyffuriau cost uchel yn cynyddu i GIG Cymru. O ganlyniad, mae'n debyg y byddai cost meddyginiaethau newydd yn cynyddu 25% - 100%. Ni fyddai hyn yn cynyddu cost pob meddyginiaeth gan ei bod yn annhebygol y byddai'n effeithio ar y pris a delir am feddyginiaethau sefydledig ac arwyddion sefydledig. Serch hynny, byddai ganddo effaith sylweddol ar CBCGC gan fod llawer o feddyginiaethau newydd yn driniaethau cost uchel ar gyfer cyflyrau prin ac felly byddai'r cynnydd mewn costau yn effeithio'n anghymesur ar CBCGC. <p>Trafododd yr aelodau:</p> <ul style="list-style-type: none"> Yr angen i ychwanegu risg costau meddyginiaeth uwch at yr ORR er mwyn sicrhau bod y risg yn cael ei rheoli a'i lliniaru'n briodol, lle bo modd. Ymgorffori cynnydd costau tebygol o fewn Cynllun Tymor Canolig Integredig CBCGC. <p>Penderfynodd y Cyd-bwyllgor Comisiynu:</p> <ul style="list-style-type: none"> Nodi'r adroddiad a'i ystyried mewn perthynas â'r Cynllun Tymor Canolig Integredig sydd ar ddod.
JCC25/089	<p>4.5 Diweddariad Imiwnoglobwlin</p> <p>Cafwyd diweddariad ar Imiwnoglobwlinau. Nododd yr aelodau:</p> <ul style="list-style-type: none"> Roedd y defnydd o imiwnoglobwlin yng Nghymru wedi cynyddu'n sylweddol ac roedd angen gwaith i reoli'r gwariant hwn. Gallai sefydlu tîm optimeiddio Imiwnoglobwlin, sy'n cynnwys rôl fferylllydd Band 8A barhaol a gefnogir gan gronfa ddata Atebion a Gwasanaethau Data Meddygol, arwain at arbed dros £5m o bosibl trwy reoleiddio defnydd Imiwnoglobwlin yn well. Roedd yr arbedion arfaethedig hynny'n fwy na chost y tîm optimeiddio Imiwnoglobwlin arfaethedig a chefnogodd y Cydbwyllgor sefydlu'r tîm a'r costau cysylltiedig. <p>Penderfynodd y Cyd-bwyllgor Comisiynu:</p> <ul style="list-style-type: none"> Gymeradwyo'r cymorth ariannol sydd ei angen i sefydlu'r tîm optimeiddio imiwnoglobwlin.
5. Llywodraethu a Sicrwydd	

Cyf y Cofnod	Eitem ar yr Agenda
JCC25/090	<p>5.1 Cynigion Comisiynu Canolfannau Atgyfeirio Ymosodiadau Rhywiol (SARC)</p> <p>Cafwyd Cynnig Comisiynu SARC. Nododd yr aelodau:</p> <ul style="list-style-type: none"> • Adeg ei sefydlu, cymerodd CBCGC gyfrifoldeb am gomisiynu SARC. • Y gwaith ymgysylltu a wnaed â rhanddeiliaid i ddeall y modelau cyfredol. • Symud o fodel llywodraethu partneriaeth i fodel sy'n adlewyrchu dull comisiynu, gan sicrhau ffocws ar oroeswyr i helpu i sbarduno gwelliannau. • Camau gweithredu heb eu cyflawni gan gynnwys: <ul style="list-style-type: none"> ○ Datblygu fframwaith comisiynu a pherfformiad cyffredinol ar gyfer gwasanaethau i ddioddefwyr ymosodiad rhywiol ○ Datblygu manyleb gwasanaeth ar gyfer cwnsela a chaffael cysylltiedig ○ Cadarnhau'r model ariannu y tu hwnt i 2025-26. <p>Trafododd yr aelodau:</p> <ul style="list-style-type: none"> • Symud tuag at ddull comisiynu. • Mae angen gwaith pellach mewn perthynas â modelu ariannol a'r risg ariannol oherwydd y llifoedd ariannu cymhleth, gyda chyfarfod wedi'i drefnu ar gyfer mis Rhagfyr 2025 i drafod hyn. <p>Penderfynodd y Cyd-bwyllgor Comisiynu:</p> <ul style="list-style-type: none"> • Gadarnhau trosglwyddo cyfrifoldeb am gomisiynu gwasanaethau i oroeswyr ymosodiad rhywiol o Uned Perfformiad a Gwella'r GIG i'r Cydbwyllgor Comisiynu. • Nodi'r sefyllfa bresennol ar weithredu a chadarnhau mai dyma'r sefyllfa drosglwyddo. • Cefnogi'r symud tuag at gomisiynu'r gwasanaeth yn rheolaidd, ac felly fframwaith llywodraethu ac arweinyddiaeth ategol. • Cefnogi datblygiad cytundeb partneriaeth rhwng y systemau iechyd a phlisma. • Cefnogi datblygiad manyleb gwasanaeth sy'n cynnwys fframwaith ariannol, fframwaith rheoli perfformiad a fframwaith ymgysylltu â rhanddeiliaid.
JCC25/091	<p>5.2 Fframwaith Cartrefi Gofal</p> <p>Cafwyd yr Adroddiad Fframwaith Cartrefi Gofal. Nododd yr aelodau:</p> <ul style="list-style-type: none"> • Yr angen i'r Cytundeb Fframwaith Cartrefi Gofal presennol newid oherwydd newidiadau i reoliadau caffael. • Bod Opsiwn 4 (Fframwaith sy'n cynnwys CCAPS a Sicrhau Ansawdd) wedi'i gymeradwyo yn opsiwn a ffafrir (fel gwasanaeth Cymru Gyfan a ddarperir gan CBCGC) yng nghyfarfod y CCLG ym mis Tachwedd 2025. Fodd bynnag, ni wnaed unrhyw gytundeb mewn perthynas â chyllido'r opsiwn hwn. • Bod gan yr Uned Gomisiynu Cydweithredol Genedlaethol flaenorol glinigwyr mewn amrywiol rolau gan gynnwys y Cyfarwyddwr a'r Dirprwy Gyfarwyddwr Ansawdd a oedd yn gallu ymgymryd â'r broses sicrhau ansawdd heb unrhyw gost ychwanegol i Fyrddau Iechyd. Yr unig gyllid ychwanegol a ddarparwyd ar y pryd oedd trwy Gytundeb Lefel Gwasanaeth gyda Phwyllgor Gwasanaethau Arbenigol Iechyd Cymru i oruchwylio ansawdd y gwasanaethau iechyd meddwl a gomisiynwyd ganddo. • Ers uno'r sefydliadau hyn yn CBCGC, mae rhai o'r staff a oedd gynt yn dal rolau clinigol bellach yn gweithio mewn meysydd sy'n canolbwyntio ar gomisiynu ac nid oeddent yn gallu cynnig amser i'r swyddogaeth goruchwylio ansawdd. • Roedd rhai pryderon wedi'u codi nad oedd gan Fyrddau Iechyd y capasiti i gynyddu llwythi achosion eu timau Iechyd Meddwl/Anabledau Dysgu. Nodwyd nad oedd y goruchwylio ansawdd o dan delerau ac amodau'r Fframwaith yn disodli cyfrifoldeb timau'r Bwrdd Iechyd am oruchwylio

Cyf Cofnod	y Eitem ar yr Agenda
	<p>cleifion/preswylwyr unigol drwy'r prosesau cydlynu gofal. Mae goruchwyliaeth ansawdd y fframwaith yn ymwneud â'r gwasanaeth ac nid unigolion o fewn y gwasanaethau hynny.</p> <p>Trafododd yr aelodau:</p> <ul style="list-style-type: none"> Gefnogaeth gyffredinol i CBCGC fwrw ymlaen ag Opsiwn 4 yn amodol ar eglurhad pellach ar gyllid. Yr angen i gynnal dadansoddiad cost a budd i ddeall y manteision ariannol a'r enillion ar fuddsoddiad pe bai'r Bwrdd Iechyd yn cytuno i ariannu'r costau sy'n gysylltiedig ag Opsiwn 4. Yr angen i rannu adroddiad wedi'i ddiweddarau, sy'n ymgorffori dadansoddiad cost a budd, gyda'r Cydbwyllgor i'w ystyried ymhellach. <p>Penderfynodd y Cyd-bwyllgor Comisiynu:</p> <ul style="list-style-type: none"> Nodi cynnwys yr adroddiad Cefnogi cynigion i fwrw ymlaen ag Opsiwn 4, yn amodol ar ystyried dadansoddiad cost a budd ymhellach mewn perthynas â threfniadau ariannu.
JCC25/092	<p>5.3 Diweddariad y Gwasanaeth Casglu a Throsglwyddo Meddygol Brys (EMRTS)</p> <p>Cafwyd y diweddariad EMRTS. Nododd yr aelodau:</p> <ul style="list-style-type: none"> Bod achos adolygiad barnwrol EMRTS wedi'i gwblhau, a bod trefniadau'n cael eu gwneud i ailgychwyn gwaith mewn perthynas ag Argymhelliad 4 o adolygiad EMRTS, a oedd wedi'i ohirio tra'n disgwyl canlyniad y gwrandawriad Adolygiad Barnwrol. O ystyried yr amser a oedd wedi mynd heibio ers datblygu cynigion cychwynnol ar gyfer Argymhelliad 4, a thirwedd well o ran perfformiad ambiwlansys, byddai ystyried Argymhelliad 4 yn cael ei ymgorffori yn natblygiad Cynllun Tymor Canolig Integredig CBCGC (2026-29). Ni fyddai gwaith i ddatblygu cynigion wedi'u diweddarau ar gyfer Argymhelliad 4 yn cael ei wneud ar ei ben ei hun a byddai'n cael ei adolygu ochr yn ochr â chomisiynu gwasanaethau ambiwlans yn ehangach yn y dirwedd ariannol sydd ohoni. Y byddai cynigion ar gyfer Argymhelliad 4 yn cael eu rhannu gyda'r Cydbwyllgor yn ystod Chwarter 4, gan gynnwys amserlenni arfaethedig ar gyfer gweithredu. <p>Trafododd yr aelodau:</p> <ul style="list-style-type: none"> Yr angen i gydweithio â Llais, gan dderbyn y diddordeb cyhoeddus a gwleidyddol yn y mater hwn. Yr angen i ymgysylltu â'r cyhoedd, a Llais, wrth lunio unrhyw fodel newydd a'r modd i fynd i'r afael ag unrhyw golled gwasanaeth ganfyddedig. Yr angen i'r gwaith hwn gydredeg â chanllawiau newid gwasanaethau Llywodraeth Cymru. Bod safbwynt GIG Cymru wedi newid, gan gynnwys amseroedd trosglwyddo gofal rhwng sifftiau ambiwlansys ac argaeledd ambiwlansys gwell, y byddai angen ei adlewyrchu mewn unrhyw gynigion wedi'u diweddarau. Bod yr aelodau'n cefnogi diwallu anghenion y boblogaeth ond yn cytuno y byddai'n anghyfrifol peidio ag adolygu hyn yng ngoleuni'r gwelliannau gweithredol presennol.

Cyf Cofnod	y Eitem ar yr Agenda
	<ul style="list-style-type: none"> Yr angen i gynigion gael eu hymgorffori ym mhroses flaenoriaethu Cynllun Tymor Canolig Integredig CBCGC, a fyddai'n cael ei drafod gyda'r Byrddau Iechyd. Y gofyniad am gyfathrebu cyhoeddus effeithiol mewn perthynas ag Argymhelliad 4 i sicrhau bod ymddiriedaeth a hyder y cyhoedd yn cael eu cynnal. <p>Cam gweithredu: Cyflwyno cynigion ar gyfer Argymhelliad 4 mewn cyfarfod o'r Cyd-bwyllgor yn y Flwyddyn Newydd.</p> <p>Penderfynodd aelodau'r Cydbwyllgor Comisiynu:</p> <ul style="list-style-type: none"> Drafod a Nodi cynnwys yr adroddiad.
JCC25/093	<p>5.4 Diweddariad ar Wasanaethau Newyddenedigol</p> <p>Cafwyd y diweddariad am y Gwasanaethau Newyddenedigol. Nododd yr aelodau:</p> <ul style="list-style-type: none"> Y gwaith blaenorol a wnaed mewn perthynas â gwasanaethau newyddenedigol. Y cynnig ar gyfer adolygiad ailosod comisiynu. Crynodeb o'r cynllun gwaith arfaethedig fel y manylir arno yn yr adroddiad. Yr angen i adolygu'r model trafndiaeth dros dro presennol. <p>Trafododd yr aelodau:</p> <ul style="list-style-type: none"> Yr angen i egluro'r achos dros newid, canlyniadau, sbardunau ac ati. Gwaith pellach sy'n cael ei wneud i fireinio cwmpas yr adolygiad gyda'r bwriad o'i gyflwyno yn un o gyfarfodydd y Cydbwyllgor yn y dyfodol. Yr ymgysylltu sy'n ofynnol yn rhan o'r gwaith hwn i sicrhau bod yr adolygiad yn ystyried y meysydd clinigol y dylid mynd i'r afael â nhw. Yr angen i ystyried y gwaith sylweddol a wnaed yn flaenorol. <p>Penderfynodd y Cyd-bwyllgor Comisiynu:</p> <ul style="list-style-type: none"> Gymeradwyo ymgymryd ag Adolygiad Ailosod Comisiynu Newyddenedigol ar gyfer De Cymru.
JCC25/094	<p>5.5 Adroddiad Llywodraethu Corfforaethol</p> <p>Cyflwynwyd yr adroddiad Llywodraethu Corfforaethol. Nododd yr aelodau:</p> <ul style="list-style-type: none"> Y Cynllun Dirprwyo wedi'i ddiweddaru. Polisi wedi'i ddiweddaru ar Geisiadau Cyllido Cleifion Unigol Cymru Gyfan (IPFR). <p>Penderfynodd aelodau'r Cydbwyllgor Comisiynu:</p> <ul style="list-style-type: none"> Nodi'r adroddiad Nodi y rhaglen archwilio fewnol ar gyfer y CBCGC ar gyfer 2025-26. Cymeradwyo: <ul style="list-style-type: none"> Y diweddariad i'r Cynllun Dirprwyo; a Pholisi IPFR Cymru Gyfan wedi'i ddiweddaru i'w gymeradwyo ymhellach gan Fyrddau Iechyd.
	<p>6. Er Gwybodaeth</p>
JCC25/095	<p>Cafwyd yr adroddiadau canlynol er gwybodaeth:</p> <p>6.1.1 Adroddiad Panel IPFR</p> <p>6.1.2 Adroddiad Rhwydwaith Arennau Cymru (WKN)</p>
	<p>7. Dod â'r Cyfarfod i Ben</p>

Cyf Cofnod	Eitem ar yr Agenda
JCC25/096	7.1 Unrhyw Fater Arall Nid oedd unrhyw faterion eraill i'w trafod.
JCC25/097	7.2 Adolygiad o'r Cyfarfod Ni roddwyd unrhyw adolygiad o'r cyfarfod yn ystod y cyfarfod.
JCC25/098	7.3 Dyddiad y Cyfarfod Nesaf Byddai cyfarfod cyhoeddus eithriadol o'r Cydbwyllgor yn cael ei drefnu cyn sesiwn strategaeth y Cydbwyllgor ar 16 Rhagfyr 2025.

Daeth y cyfarfod i ben am 12:47.

CONFIRMED